

HIERONYMUS. EYSEBIOΣ. EUSEBIUS.

HISPANIA, Europæ regio nota, magnorum ingeniorum ferax, Catholicæ religionis studio illustris, Indicorum regnorum accessione hoc tempore celebris.

HOBAB. Vide CHOBAB.

HODSI TERRA, cuius fit mentio, 2 Reg. xxiv. v. 6. quantum colligere licet ex circumstantiis eo loco indicatis, est in Galaaditide, & dimidia tribu Manassæ Trans-Jordanina.

HOLON, civitas Sacerdotalis in tribu Juda. Vide supra HELON.

HOR, mons in extremis finibus terræ Edom, Num. xx. v. 22, 25. Num. xxxiii. v. 37. ibi una fuit Israëlitarum per desertum mansio, ut iisdem locis indicatur, in eoque monte Aaron mortuus, ut iisdem locis verbis sequentibus indicatur.

HOREB. Vide CHOREB.

HOREM, urbs in tribu Nephthali, Jos. xix. v. 38.

HORMA, urbs in tribu Juda. Vide ARMA & ERMA. Est & *Horma* urbs altera juxta Tyrum ad mare in tribu Aser, Jos. xix. v. 29.

HORRÆI. Vide CHORRÆI.

HORTUS CONCLUSUS, Cant. iv. v. 12. ubi fuerit non facile statuas. Adrichomius eundem esse vult cum *Horto regis*, de quo paulo post. At Corovicus in suo Itinerario Lib. 2. Cap. 9. juxta Bethleem, fontem signatum versus Orientem, ab eoque duobus vel tribus distantem miliaribus collocat. Sed existimo hos vel conjecturam suam, vel incertam famam sequi.

HORTUS GETHSEMANI, juxta villam ad radices montis Oliveti, in quo Christus oravit.

HORTUS OZA, in quo fuerunt sepulti Manassæ & Amon reges Juda, 4 Reg. xxi. v. 26. Videtur fuisse hortus adjunctus domui regiæ.

HORTUS REGIS, in suburbano Hierusalem ad Orientem montis Sion, in quo erat fons Rogel, locus ad delicias totus compositus.

HOSA, juxta Tyrum in tribu Aser, Jos. xix. v. 29.

HUCAC, in tribu Aser Levitica civitas, 1 Paral. vi. v. 75. Eadem quæ alibi *Halcath* vel *Helcath* nuncupatur.

HUCUCA, in extremis terminis tribus Nephthali australibus, & quantum conjici potest juxta mare Galilææ & tribus Zabulon confinia, Jos. xix. v. 34.

HUS TERRA, in regione Edom, ut disertè habetur, Thren. iv. v. 21. in *terra Hus* habitasse etiam Job legimus, Job. i. v. 1. quam Interpretes Septuaginta *Ausitidem* nominant, imò & versio nostra Hierem. xxv. v. 20. Verum *duplicem Hus*, & *duplicem Idumæam* distinguendam esse, *Orientelem*, & *Australem* mihi persuadeo, de qua re paulo post in *Idumæa*; & Job quidem habitasse in *terra Hus* seu *Idumæa Orientali* in monte Galaad, vel ad radices ejus: hæc enim fuit *Idumæa Orientalis*. De altera *Hus*, vel *Ausitide* in Idumæa Australi loquitur Hieremias Cap. xxv. & in Threnis.

HUSATI, de qua fuit unus è fortibus David dictus Sobochai, qui & gigantem unum de genere Raphaïm interfecit, 2 Reg. xxi. v. 18. & 1 Paral. xx. v. 4. idemque unius mensis præfecturam habuit, 1 Paral. xxvii. v. 11. Ubi locus hic situs fuerit nusquam proditur, ex quo facile credi potest exigui nominis vicum fuisse.

I.

JAAR, saltus in quo examen apum fuit.

Ἰαὰρ, δρυμός, ἐνθα ἦν ὁ μελισσῶν ἐσμός.

J AAR, nemus, in quo erat examen apum.

JABES GALAAD, de qua paulo post in JABIS. Est & alia *Jabes*, quam non dubio argumento colligo fuisse in tribu Juda, nempe eo in loco ubi in tribu Juda habitaverunt Cinæi, 1 Paral. ii. v. 55. Porro hanc à præcedenti esse diversam, tum diversa indicat scriptio in Hebræo; prior enim illa in Galaad *בְּיַבֶּס* *Jabesch* dicitur, at posterior *בְּיַבֶּתַי* *Jabbets* appellatur; tum verò loci situs planè diversus: nam toto illo capite 1 Paral. ii. de tribu Juda agitur, tandèque in fine de Cinæis in tribu Juda habitantibus adjungitur. Ex quo fit verisimile illam *Jabes Cinæorum* fuisse in deserto illo ad meridiem Arad, quod ipsi sibi pro habitatione delegerant, Judic. i. v. 16.

² JABIR, civitas litterarum in tribu Juda.

יַבְיִיר, πόλις γραμμάτων, Φυλῆς Ἰούδα.

JABIR, civitas litterarum, tribus Juda.

³ JABIS GALAAD, & hanc oppugnaverunt filii Israël. Nunc autem est vicus trans Jordanem in sexto milliaro civitatis Pellæ super

Ἰαβὶς Γαλαὰδ, καὶ ταύτην ἐξέπολέμησαν οἱ υἱοὶ Ἰσραὴλ. καὶ νῦν ἐστὶ κώμη πέραν τοῦ Ἰορδάνου ἀπὸ ἑξήκοντα

JABIS GALAAD, & hanc expugnaverunt filii Israël. Estque nunc vicus ultra Jordanem in sexto milliaro Pellæ civitatis in monte situs,

N O T A.

1. Hanc vocem *Jaar*, vel corruptè *Jaal* etiamnum legas in codice Romano, 1 Reg. 14. v. 25. quam codices ceteri rejiciunt, ubi versio nostra *salutem* habet (id enim significat Hebræa vox *יָרַח* *jaar*) in quo saltu favum mellis Jonathan collegit. Sed de hac re ad eum locum plura. BONFRERIUS.

2. Hæc non *Jabir*, sed *Dabir* in nostra versione ubique, & in Septuaginta Interpretum codicibus nunc legitur, nec nisi corrupte

Jabir legi potest. IDEM.

3. Hæc in versione nostra ubique vocatur *Jabes Galaad*: fuit in dimidia tribu Manassæ Trans-Jordanina illustris civitas, quam ab Ammonitarum obsidione Saul rex prima quam suscepit expeditione liberavit, 1 Reg. 11. cum postea mortuo & indecorè suspensio vicem rependerunt Jabes incolæ. IDEM.